


գուցեալ Աւետիք Ղուկասեանի կտակի գործը:

Մայիս 28, № 1599. Յանձնարարուեց երգուեալ հաւատարմատար պ. Սամսոն Յարութիւնեանին լիազօրութիւն (передовѣріе) տալ պ. Սպենդերեանին վերոյիշեալ գործի պաշտպանութեան համար:

Մայիս 30, № 1605. Հրահանգութիւն տրուեց Վրաստանի Հայոց Կոնսիստորիայի Նախագահող Տ. Եփրեմեպիակոպոսին, թէ քահանաները չեն կարող ընտրուել ժողովրդի կողմից պատուիրակ կաթողիկոսական պատգամաւորի ընտրութեան համար:

Մայիս 30, № 1607. Առաջագործուեց Վրաստանի Հայոց Կոնսիստորիային թոյլ չտալ ժամերգութիւն կատարել Ախալքալակցի Մարգար Կարապետեանի վախճանուած որդու գերեզմանի վերայ շինած դամբարանում:



ՔԱՂՈՒԱԾՆԵՐ ՍԻՆՈՂԻ ՕՐԱԳԻՐՆԵՐԻՑ

Մայիսի 2-ին, թ. 298. Սինոդը լսեց Մայր Աթոռի հոգերը ուսոգելու համար Զանգու գետից ջուր բերելու գործը: Որոշեց, յանձնել ինժեներ Զաւալիշինին և Տեխնիկ Մանուչարեանին կազմել ծրագիր (проект), Զանգուի ջուրը մինչև Մ. Աթոռի հոգերը հասցնելու և այդ աշխատութեան համար տալ նրանց վարձ 2500 ռուբլի:

Մայիսի 4-ին, թ. 302. Սինոդը լսեց բազուեցի հանգուցեալ Եկատերինա Մայիլեանի կտակի գործը, որով նա կտակել է, ի միջի այլոց, Ս. Էջմիածնին 500 ռ., Ս. Երուսաղէմի հայոց վանքին 500 ռ., Լէնքօրանի հայոց եկեղեցուն 200 ռ., այդ եկեղեցու օրիորդաց դպրոցին 300 ռ. և Շամախու հայոց եկեղեց. ծխական դպրոցին 300 ռ. Որոշեց ուղարկելով կտակի պատճէնը Շամախու հայոց Կոնսիստորիային, պատուիրել նրան նախ՝ կարգադրել ստանալ Ս. Էջմիածնի և Ս. Երուսաղէմի օգտին կտակած գումարները և երկրորդ՝ կտակի պատճէնները տալ Լէնքօ-

րանի և Շամախու ծխական հոգաբարձութեան՝ նոցա օգտին կտակած դրամներն ստանալու համար:

Մայիսի 13-ին, թ. 317. Սինօդը լսեց Տփլիսի Թանգոյեան Ս. Աստուածածին եկեղեցու միաբանութեան և ծխական հոգաբարձութեան յայտարարութիւնը Ղուկաս Տէր Դաւթեանին յիշեալ եկեղեցու համար սարկաւազ ձեռնադրելու մասին: Որ ոչ եց. ի նկատի ունենալով, որ Սինօդիս հաստատած շտատով Տփլիսի Թանգոյեան Ս. Աստուածածին եկեղեցին պէտք է ունենայ երկու քահանայ և մի սարկաւազ, բայց այժմ ունի երեք քահանայ, այդ խնդրի մասին եկեղեցու միաբանութեան, ծխական հոգաբարձութեան և ծխական ժողովի միջնորդութիւնը թողնել առանց հետևանքի:

Մայիսի 13-ին, թ. 319. Սինօդը լսեց Վրաստանի Հայոց Կոնսիստորիայի տարւոյս փետրուար ամսի 7-ի № 531 յայտարարութիւնը Ախալքալակի գաւառի Լոմատուրս գիւղացի Ստեփան Տէր Ղուկասեանին քահանայ ձեռնադրելու մասին: Որ ոչ եց. թոյլ տալ Վրաստանի Հայոց Կոնսիստորիային ընդունել Տէր Ղուկասեանին հոգևոր կոչման մէջ և առաջադրել նոյն Կոնսիստորիայի նախագահող Տ. Եփրեմ Եպիսկոպոսին ձեռնադրել նորան քահանայ Ախալքալակի գաւառի Ղադօլար գիւղի համար:

Մայիսի 18-ին, թ. 334. Սինօդը լսեց Գանձակի Ս. Լուսաւորիչ եկեղեցու ծխականների տարւոյս յունվարի 10-ին խնդիրը Մկրտիչ քահանայ Աստուածատրեանի մասին: Որ ոչ եց. պատուիրել Վրաստանի Հայոց Կոնսիստորիային Տ. Մկրտիչ քահանայ Աստուածատրեանին ծխատէր քահանայի պաշտօն տալ թեմի յարմարաւոր տեղում, իսկ եթէ ազատ տեղ չլինի, կարգել նորան կրկին «Չոլակի» ուխտատեղու կառավարիչ, յատկացնելով նորա ապրուստի համար յիշեալ ուխտատեղու արդիւնքը, ի բաց առեալ Սինօդին հասանելի 70 ռուբլին:

Մայիսի 20-ին, թ. 337. Սինօդը լսեց Աստրախանի Կոնսիստորիայի տարւոյս յունվարի 31-ի № 102 յայտա-

բարութիւնը, որով խնդրում է բացատրել, թէ ինչ ձևով պէտք է ընդունել մեր եկեղեցու ծոցը մօլօկաններին, արդեօք պէտք է ո. մկրտութեան խորհուրդ կատարել, թէ ոչ. Որոշեց. յայտնել Աստրախանի Կոնսիստորիային, ինչպէս նաև շրջաբերական հրամանով բոլոր միւս Կոնսիստորիաներին, թէ երբ Հայաստանեայց եկեղեցու ծոցն ընդունելու դիմումն անեն այնպիսի քրիստոնեայ դաւանութեան պատկանող անձինք, որ չէ ընդունում ջրով մկրտութիւն յանուն Հօր և Որդւոյ և Հոգւոյն Սրբոյ, այդպիսիներին պէտք է մկրտել Հայաստանեայց եկեղեցու ծիսով, իսկ եթէ խնդրատուները մկրտուած լինեն, բայց ոչ գրոշմուած, այն ժամանակ նոցա պէտք է միայն գրոշմել:

Մայիսի 20-ին, Թ. 339. Սինօդը լսեց Կովկասի պ. Փոխարքայի 1911 թ. մարտի 13-ի № 5486 շրջաբերական գրութիւնը ննջեցեալներին եկեղեցիների դաւթում թաղելու կարգի մասին՝ Որոշեց. ուղարկելով Թեմակալ Առաջնորդներին Կովկասի Տ. Փոխարքայի տարւոյս մարտի 13-ի № 5486 շրջաբերականի պատճէնը առաջադրել նոցա, որ ըստ առաջնոյն եկեղեցիների դաւթում ննջեցեալ թաղելու համար Ամենայն Հայոց Կաթողիկոսի կամ նորա Տեղակալի հաճութիւնն առնելուց յետոյ ստանան այսուհետև ոչ թէ Փոխարքայի, այլ տեղական Նահանգապետի համաձայնութիւնը:

Մայիսի 23-ին, Թ. 342 Սինօդը լսեց Երևանի Կոնսիստորիայի տարւոյս Մարտի № 1851 յայտարարութիւնը Արսէն Տէր Մխիթարեանին և Վահան Տէր Մինասեանին Նոր-Բայազետի նոր Գեօղալդարա գիւղի համար քահանայ ձեռնադրելու մասին: Որոշեց. Երևանի Կոնսիստորիայի միջնորդութիւնը Արսէն Տէր Մխիթարեանին և Վահան Տէր Մինասեանին Նոր Գեօղալդարա գիւղի համար քահանայ ձեռնադրելու մասին թողնել առանց հետևանքի, որովհետև յիշեալ գիւղը բաղկացած է 450 տանից, իսկ քահանայացուները չունին ծիսական կանոնադրութեամբ պահանջուող 4-րդ դասարանի վկայական:

Մայիսի 23-ին, թ. 343. Սինոդը լսեց Ներքին Գործերի Նախարարութեան տարւոյս ապրիլի 27-ի, թ. 3986 առաջագործիւնը Բախմուտ քաղաքում հայոց աղօթատուն կառուցանելու մասին: Որոշեց, պատուիրել Նոր Նախիջևանի և Բենսարաքիայի Կոնսիստորիային կարգադրել, որ միջնորդութիւն յարուցուի Բախմուտի հայ համայնքի կողմից գնելու Թութունճեանի տունը կառուցանելիք աղօթատան անունով և ոչ մասնաւոր անձի, որպիսին է այս դէպքում երեսփոխան Մաքսըմաճեանցը: Իսկ եթէ գործը որ և է դժուարութեան հանդիպի ապագայ աղօթատան անունով գնելու համար, տնօրինել, որ յիշեալ կալուածքը գնուի Ս. Էջմիածնի անունով՝ յիշեալ քաղաքում աղօթատուն շինելու համար:

Մայիսի 23-ին, թ. 348 Սինոդը լսեց Ներքին Գործերի Պ. Նախարարի տարւոյս ապրիլի 30-ի, թ. 3992 առաջագործիւնը Կաթողիկոսական ընտրութեան համար պատգամաւորներ ընտրելու ձևի մասին: Որոշեց, շրջաբերական հրամանով առաջագրել Ռուսաստանի Հայոց բոլոր Թեմակալ Առաջնորդներին, որ Կաթողիկոսական ընտրութեան մասնակցելու համար ընտրուելիք պատգամաւորներ ընտրութիւնը կատարելիս անխախտ պահպանուեն Կովկասի Փոխարքայի 1865 թ. դեկտեմբերի 29-ին հաստատած կանոնների 1—3 յօդուածները:

Մայիսի 27-ին, թ. 357. Սինոդը լսեց Վրաստանի Հայոց Կոնսիստորիայի Նախագահի տարւոյս ապրիլի 19-ի թ. 530 յայտարարութիւնը Գորի քաղաքի Սահակ քահանայ Տէր Մինասեանի անվայել ընթացքի մասին: Որոշեց, Սահակ քահանայ Տէր Մինասեանին իւր կոչման անվայել ընթացքի համար ենթարկել երկամսեայ եկեղեցական ապաշխարութեան, դադարացնելով քահանայագործութիւնից և յանձնելով նորա ծխականների հովուութիւնը ուրիշ քահանայի, որին տալ Սահակ քահանայի հասոյթի մի երրորդը: Վճախ կատարման համար տալ հրաման Վրաստանի Հայոց Կոնսիստորիային:

Մայիսի 27-ին, թ. 360. Սինօդը Որոշեց. պատուիրել բոլոր Կոնսիստորիաներին կարգադրել, որ մետրիքական քաղաածները, որ տրւում են զինուորակոչ ատեաններին, նախապէս ամենայն ուշադրութեամբ համեմատուեն չափաբերական մատեանների արձանագրութեանց հետ և խնամքով ստուգուեն:

Մայիսի 27-ին, թ. 363. Սինօդը լսեց Կարսի շրջանի Բաշ գիւղի ծխականների խնդիրը Սուքիաս Ժամկոչեանին քահանայ ձեռնադրելու մասին: Որոշեց. նկատի առնելով, որ Սուքիաս Ժամկոչեանը չունի Թեմական դպրոցի կամ ձեմարանի 4-րդ դասարանի վկայական, որ պահանջւում է ծխական կանոնադրութեամբ 100 տանից աւելի ծուխ ունեցող գիւղի քահանայացուից, Բաշ գիւղի ծխականների խնդիրը թողնել առանց հետեւանքի:

Մայիսի 27-ին, թ. 364. Սինօդը լսեց Վրաստանի Հայոց Կոնսիստորիայի տարւոյս մայիսի 15-ի, թ. 2246 յայտարարութիւնը Տփլիսի Մօղնու Ս. Գէորգ եկեղեցու սարկաւադ Տիգրան Պարոնեանին քահանայ ձեռնադրելու համար: Որոշեց. նկատի առնելով, որ Տիգրան սարկաւադ պարոնեանը ունի Թեմական դպրոցի 3-րդ դասարանի վկայական և ոչ չորրորդի, որ պահանջւում է ծխական կանոնադրութեամբ 100 տանից աւելի ծուխ ունեցող գիւղի քահանայացուից, Վրաստանի Հայոց Կոնսիստորիայի միջնորդութիւնը թողնել առանց հետեւանքի:

